

Arkiv	Saksbehandlar	Møtedato	Sak nr.
F1323	Knut Øyjordet	24.05.18	20/18

SØKNAD OM BYGGING AV NY KVILEBU PÅ DYRKINGSPARSELL – AUDUN BRÅTEN OG RANDI AANSTAD

Saksdokument:

1. Søknad frå Audun Bråten og Randi Aanstad av 24.04.18.

Saksutgreiing:

Audun Bråten og Randi Aanstad søker om å få sette opp ei ny kvilebu på dyrkingsparsellen sør for Megardsåsen. Dei skriv m.a. i søknaden:

I forbindelse med inngjerding og nydyrkning av utvist areal, ser vi stort behov for å få opp ei kvilebu. Eksisterande bu er i svært dårlig forfatning, og i tillegg plassert på det blautaste arealet av dyrkinga. Vi ynskjer difor å setje opp ny bu på det sist utviste arealet som skal gjerdast inn i sommar.

Eksisterande kvilebu er på ca. 20 m² (utvendig mål), og med ein liten utedo ved sia av. Det blir nå søkt om ei bu på ca. 37 m² (innvendig bruksareal) og med eit lite uthus med do. Bua vil bli bygd i stav/laft, og teikning av denne er lagt ved. Dei har fått utvist meir areal til dyrking, som er planlagt å bli gjerda inn nå til sommaren og etter kvart bli dyrka opp.

Oppføring av bygningar og anlegg for drift av utvist tilleggsjord er regulert av § 25 i seterforskrifta, der det står:

Når det er nødvendig for drift av utvist tilleggsjord eller for utøving av anna beitebruk enn setring, eller når det er gitt løyve til utnytting av andre ressursar som krev bygningsmasse, kan brukaren få føre opp, endre eller utvide hus, driftsbygningar og anlegg etter retningslinene i andre, tredje og fjerde ledd.

Fjellstyret kan gi jordbrukarar som har fått utvist seter eller tilleggsjord rett til areal til gjødselkum om drifta krev det. Fjellstyret kan også gi brukarar som samarbeider i felles drift rett til tomt til felles driftsbygning.

Statskog SF kan gi løyve til utnytting av andre ressursar enn beite og tilleggsjord, og kan gi løyve til oppføring av nødvendige hus og anlegg i samanheng med dette.

Fjellstyret og Statskog SF skal setje vilkår for bruken av hus og anlegg, fjerning ved opphør av bruk mv.

I merknadene til § 25 står det m.a. vidare:

Fjellstyret kan setje vilkår for godkjenningsa, og eksempel på vilkår kan vere plasseringa av dei anlegga det er søkt om, storleiken og tilpassinga i terrenget. Slike søknader skal bli lagt fram for Statskog til fråsegn før fjellstyret gjer vedtak.

Det er ikkje innhenta uttale frå Statskog til søknaden, så ved ei eventuelt løyve må det takast atterhald om at dei ikkje har innvendingar til søknaden.

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

Vurdering:

Saka gjeld å erstatte ei gamal kvilebu med ei ny, og plassere den på ei anna tomt på dyrkingsparsellen. Den nye bua blir noko større, men ligg innanfor dei retningslinene som har vore nytta ang. storleik på kvilebu på dyrkingsparsell, dvs. 40 m².

Innstilling til vedtak:

Med heimel i § 25 i Seterforskrifta får Audun Bråten og Randi Aanstad løyve til å erstatte dagens kvilebu på dyrkingsparsellen på Megardsåsen med ei ny bu på 37 m² slik det vert søkt om, samt oppføring av eit lite uthus med do. Nøyaktig plass for ny tomt vil bli gjort på ei synfaring der fjellstyret og Statskog er representert.

Løyve blir gjeve under vilkår av at Statskog ikkje har nokon merknad. Dersom Statskog har innvendingar, må dette bli gjort kjent for fjellstyret innan tre veker etter mottak av vedtaket. Det må elles innhentast byggjeløyve frå kommunen.

Vedtak:

Samrøystes: Som innstillinga.

Rett utskrift. Går til:

Statskog v/Trond Berger
Audun Bråten og Randi Aanstad

Vågåmo, 24.05.18

Knut Øyjordet (e.f)

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no